


大毘婆沙論

才一百八十二

三百九十  
動二

50614



阿毗達磨大毗婆沙論卷第一百八十二 動

五百大阿羅漢等造 二藏法師 棄奉 詔譯

定蘊第七中不還納息第四之九

云何法輪乃至廣說問何故作此論答為欲分別契經義故如契經說世尊轉法輪諸餘世間沙門婆羅門天魔梵等皆無有能如法

轉者契經雖作是說而不分別云何法輪齊何當言轉法輪契經是此論所依根本彼所不說者今應說之故作斯論云何法輪答八支聖道若兼相應隨轉則五蘊性此是法輪自性是我是物是相是性是本性已說自性所以今當說問何故名法輪答此輪是法所



成法爲自性故名法輪如世間輪金等所成  
金等爲性名金等輪此亦如有說此輪於  
諸法性能簡擇極揀擇能覺悟極覺悟現觀  
作證故名法輪有說此輪能淨聖慧法眼故  
名法輪有說此輪能治非法輪故名法輪非  
法輪者謂布刺拏等六師所轉八邪支輪問  
何故名輪輪是何義答動轉不住義是輪義  
捨此趣彼義是輪義能伏怨敵義是輪義由  
斯等義故名爲輪

如大四十法門經說有二十善品二十不善  
品此名梵輪乃至廣說問二十善品可尔二  
十不善品去何名梵輪耶答佛意不說彼爲

梵輪但說於善不善品法有忍智輪名爲梵  
輪問此何故名梵答極寂靜故離災橫故無  
罪累故不惱害故說名爲梵問何故名梵輪  
答以梵出在初可及具聖道故名梵輪第  
二第三靜慮非初可及亦不具聖道第四靜  
慮雖是佛身初得而不具聖道故不名輪唯  
有梵世是初可及亦具足故名梵輪有說  
修梵行者相續中可得故名梵輪有說對治  
非梵行故名爲梵輪有說對治三界見所斷  
非梵煩惱故名梵輪有說此因梵王勸請而  
轉故名梵輪有說佛是大梵佛所宣說分別  
開示故名梵輪有說梵音演說故名梵輪有

說唯梵世聖道能對治衆多非梵法故名爲  
梵輪衆多非梵法者謂三界見修所斷煩惱  
或不善無記煩惱或有異熟無異熟煩惱或  
生二果生一果煩惱或無慚無愧相應無慚  
無愧不相應煩惱或有事無事煩惱或忍所  
治智所治煩惱如是等名衆多非梵法有說  
唯梵世有多梵行果故名梵輪多梵行果者  
謂四沙門果上三靜慮唯有二沙門果無色  
唯有一沙門果唯梵世中具有四果或九徧  
知果上三靜慮唯有五徧知果無色唯有二  
徧知果唯梵世具有九徧知果或八十九沙  
門果唯梵世具有非於上地是故聖道說名

# 梵輪

問何故唯說見道名法輪非餘耶答前說動轉不住義是輪義見道是速疾道不起期心道於動轉不住最為隨順故獨名法輪有說前說捨此趣彼義是輪義見道中捨苦現觀趣集現觀乃至捨滅現觀趣道現觀是故見道獨名法輪有說以四事故名輪一捨此二趣彼三未降伏者降伏四已降伏者守護見道中亦亦捨此者捨苦現觀趣彼者趣集現觀未降伏者降伏即集現觀已降伏者守護即苦現觀乃至滅道說亦如是故名法輪有說迴轉義是輪義猶如車輪周旋迴轉如是

見道忍智循環謂忍後智現前智後忍復現  
前法品類品循環亦尔故名法輪有說上下  
義是輪義猶如車輪或上或下如是見道緣  
境上下謂緣欲界已即緣有頂緣有頂已復  
緣欲界對治上下說亦如是故名法輪有說  
見道猶如輻轂輞法故說為輪猶如車輪轂  
最居中輻依轂住輞攝於輻如是見道苦集  
忍智如輻滅忍滅智如轂道忍道智如輞徧  
緣道故或有說者苦集滅忍智如輻三諦如  
轂道諦如輞或有說者三諦忍智如輻道忍  
道智如輞四諦如轂或有說者正見正思惟  
正勤如輻正語業命如轂正念正定如輞或

有說者正思惟正勤正念正定如輻正語業  
命如轂正見如輞或有說者唯正定如輞餘  
如前說有說降伏四方義是輪義如轉輪王  
所有輪寶降伏四洲所有怨敵如是行者以  
見道輪降伏四諦所有煩惱故名法輪有說  
見所斷煩惱名非法輪能起八邪支故見道  
是彼近對治故說名法輪尊者妙音說曰學  
八支道展轉和合一時至他相續中轉故名  
法輪此八支道見道位勝是故見道獨名法  
輪齊何當言轉法輪荅若時具壽阿若多憍  
陣那見法問何故復作此論荅前雖顯法輪  
自性而未顯作用今欲顯之故作斯論有說

爲止摩訶僧祇部說法輪語爲自性彼作是  
說一切佛語皆是法輪若謂聖道是法輪者  
則菩提樹下已轉法輪何故至婆羅痾斯方  
名轉法輪耶爲止彼意顯法輪體但是聖道  
非佛語性若是佛語者則應菩提樹邊爲商  
人說法已名轉法輪何故後至婆羅痾斯國  
乃言轉法輪耶故知今時今他身中有聖道  
起方名轉法輪法輪聖道爲體故說齊阿若  
多憍陣那見法名佛轉法輪

問若今佛於菩提樹下已名轉法輪何故於  
婆羅痾斯國乃言初轉法輪耶答轉法輪有  
二種一自相續中轉二令他相續中轉菩提

樹下是自轉法輪婆羅痲斯是令他轉法輪  
佛以饒益他爲正事故依令他轉說初轉法輪  
有說轉法輪有二種一共二不共菩提樹下  
所轉法輪與二乘共自利法故婆羅痲斯國  
所轉法輪不與二乘共利他法故依不共說  
故言彼處初轉法輪有說與此相違名共不  
共依共共說轉如共不共曾未曾亦亦有說  
若於轉時勝獨覺者乃言初轉謂諸獨覺亦  
能自轉但不令他唯佛亦能令他轉故有說  
若於轉時有人爲證乃說初轉謂五苾芻證  
無我理方能爲佛作證轉法輪人有說婆羅  
痲斯所轉法輪是佛昔日三無數劫所修苦

行功勞之果故說初轉所以者何佛若欲於  
過去佛所般涅槃者即得隨意所以經於三  
無數劫精勤修習百千苦行於蘊處界求善  
巧者皆為饒益所化有情恒作是願若我證  
得無上菩提當為有情開甘露門令皆解脫  
生死牢獄故今所轉正是昔日苦行之果有  
說若能降伏他身煩惱方名法輪正所作用  
如王輪寶降伏他土非但降伏自所住官如  
來法輪亦復如是依此說佛初轉法輪

問若彼身中聖道生時即彼名為轉法輪者  
何故說佛轉法輪耶答依能轉因故作是說  
謂彼身中所有聖道世尊若不以言說手為

其轉者則彼聖道無因得生彼聖道生皆由佛力是故說佛初轉法輪如轉輪王未以輪寶置於左手右手轉之則諸天神亦不能轉要王轉已彼能轉之故說輪王能轉非彼此亦如是有說依開覺緣故作是說謂彼身中雖有聖道乃至若未以佛語光而照觸者無由得生彼聖道生皆是佛力是故說佛初轉法輪譬如池中盟鉢羅等種種蓮華乃至若未以日光而照觸者則不開不敷不香日光照時則開敷香此亦如是有說依除障緣故作是說謂彼身中雖有聖道若佛不以未曾有善巧名句文身除彼身中所有障者則彼

聖道無由得生彼聖道生由佛除障是故說  
佛初轉法輪有說依資助緣故作是說謂彼  
身中雖有聖道若佛不以法水灌之則聖道  
芽無由得生彼得生者由佛資助是故說佛  
初轉法輪如倉中種子闕衆緣故芽則不生  
當知芽生由資助力此亦如是有說依示導  
緣故作是說謂彼身中雖有聖道若無如來  
言說示導彼者則彼身中聖道不轉佛開示  
故彼聖道轉是故說佛初轉法輪如闇室中  
以燈炤了便見種種可取之物此亦如是有  
說二因二緣生於正見一聞他法音二如理  
作意由聞他法音故說佛初轉由如理作意

故說彼自轉有說若人具足四法名多有所  
作謂親近善士聽聞正法如理作意法隨法  
行由親近善士聽聞正法故說佛轉法輪由  
如理作意法隨法行故說彼自轉法輪  
問憍陣那住苦法智忍即應說佛初轉法輪  
何故乃至道類智時方名為轉答苦法智忍  
時雖得名轉而未究竟道類智時於轉究竟  
有說道類智時三因緣具故說名轉一捨曾  
道二得未曾道三結斷一味證有說道類智  
時五因緣具故名為轉一捨曾道二得未曾  
道三結斷一味證四頓得八智五一時修十  
六行相捨曾道者謂捨見道得未曾道者謂

得修道結斷一味證者謂集證三界見所斷  
斷頓得八智者謂頓得四法智四類智一時  
修十六行相者謂一時修苦四行相乃至道  
四行相有說道類智時已斷一切見所斷煩  
惱無事煩惱忍所治煩惱永害見邪性故於  
於時方說爲轉有說此所言轉依至果位可  
稱可數有相可說可得施設法補特伽羅而  
說非於先時不名爲轉有說此所言轉約可  
命終受生處說非於先時不名爲轉  
如契經說佛說此法門時具壽憍陳那及八  
萬諸天遠塵離垢於諸法中生淨法眼此中  
遠塵者謂遠隨眠離垢者謂離纏垢於諸法

中者謂於四聖諦中生淨法眼者謂見四聖  
諦淨法眼生問佛說此法門時五苾芻皆見  
法何故但說憍陣那耶荅以憍陣那先見法  
故謂憍陣那已入見道餘四猶在順波擇分  
善根位中有說世尊於彼有宿願故以彼為  
首持法輪是故偏說由此佛告憍陣那言  
沙門解耶彼言已解第二第三亦復如是因  
斯号彼為阿若多問世尊何故三問彼耶荅  
彼憍陣那見聖諦已世尊便起前後際智作  
是觀察為憍陣那所應受惡趣相續蘊界處  
多為我過去三無數劫所經刹那臘縛牟呬  
更多耶觀已即見憍陣那所應受無間地

爲相續蘊界處多非我過去三無數劫所縛  
刹那臘縛牢呼粟多多見已便作是念我於  
三無數劫修無量百千難行苦行今得無上  
正等菩提但令憍陣那亦所無間地獄相續  
蘊界處任不生法中設我即般涅槃於我劬  
勞已爲果滿沉作餘事以慶慰故三及問之  
復次佛見從不可知本際已來憍陣那起煩  
惱縛一切有情一切有情亦起煩惱縛憍陣  
那又見憍陣那於一切有情相續中受胎一  
切有情於憍陣那相續中受胎更相損害更  
相食噉說亦如是如見前際見後際亦亦  
弗見此已便作是念我但令憍陣那一人於

一切有情離如是事於我三無數劫所修苦  
行便爲果滿况更饒益無量有情欣慰情深  
是以三問有說爲止誹謗是以三問謂佛爲  
菩薩時馱老病死出劫比羅伐窣堵城求無  
上智時淨飯王遣釋種五人隨逐給侍二是  
母親三是父親母親二人執愛欲得淨父親  
三人執苦行得淨當於善處修苦行時母親  
二人心不忍可即便捨去菩薩知後苦行非  
道捨而受食羹飯蘇乳以油塗身習處中行  
父親三人咸謂菩薩狂亂失志亦復捨去於  
是二女所謂難陀蘇陀跋羅俱來給侍  
亦時菩薩便作是念若彼五人不捨我者豈

令女爰來相親近菩薩受食十六轉乳糜已  
身力轉增從吉祥人邊受取草三詣菩提樹  
自敷草座結跏趺坐立如是誓我今要當不  
起此座降魔軍衆永斷諸漏證取無上正等  
菩提立此誓已尋時摧破三十六俱眩惡魔  
軍衆以三十四心得阿耨多羅三藐三菩提  
佛眼徧觀一切世界誰應最初聞我正法我  
當爲說觀已便知喩達洛迦曷邏摩子應先  
聞我法是時有天即白佛言喩達洛迦曷邏  
摩子昨日命過有說七日尔時世尊亦起智  
見知彼命過便傷歎言彼失大利若彼聞我  
所說法者當得正解世尊復觀除彼誰應初

聞我法我當爲說觀已便知頽邏荼迦邏摩  
應先聞我法天復白言頽邏荼迦邏摩命過  
來已經七日有說昨日尔時世尊亦起智見  
知彼命過而傷歎言彼失大利若彼聞我所  
說法者當得正解問佛初得阿耨多羅三藐  
三菩提時何故不爲二人說法而令命過不  
得聞法將非教化失時耶有說世尊初成佛  
時未起爲他說法心又未以大悲緣有情界  
故無化導失時之咎尊者妙音說曰佛初得  
無上菩提時愛重法故多日思念尚不及起  
飲食之心况能起心爲他說法復有說者初  
成佛時未建立有情三聚差別未知所應化

道及非所應故無有失有說彼時二人善根未熟未堪聞法所以者何佛成道已彼初一人若更經五十七日有餘命者應堪聞法有說五十六日有說四十九日彼第二人若更經五十一日有餘命者應堪聞法有說五十日有說四十三日由此非佛教化失時世尊或時留自壽行待所化者如待蘇跋達羅等若能留他壽行無有是處問佛何故傷歎耶荅佛先以彼二人爲師習世俗定不得真法今佛自證無上真法欲令彼知又欲以己所證饒益於彼而彼命終是以傷歎問前說彼若聞我法者當得正解依何位說得正解耶

有說此說入正性離生位有說住順使擇分  
善根位有說起順解脫分善根位如是說者  
乃至令彼除一切智增上慢知唯佛世尊具  
一切智尔時名得正解世尊復觀除彼二人  
誰復最初應聞我法我當為說觀已即知憍  
陣那等五人應先聞法即作是念彼皆是我  
父母親族先來恭敬供養於我今欲酬報為  
何所在天即白言今在婆羅痾斯國仙人鹿  
苑尔時世尊亦起智見知在彼處便捨菩提  
樹步步而往婆羅痾斯問佛具最勝神足何  
以步步往耶荅敬重法故不以神足然於行  
時足常去地如四指量一一足迹皆有喜旋

吉祥可愛千輻輪相分明如畫身影所觸乃  
至七日能令有情至其處者諸根安悅漸次  
行到婆羅泥斯。今時五人忽遙見佛遂共立  
制彼喬荅摩懈慢多求狂亂失志空無所獲  
而今復來欲相呼誘我等宜各勿與言談恭  
敬問訊但敷一常座任其坐不

今時世尊漸行近彼威德所逼令捨本期不  
覺一時從座而起趨走迎逆合掌歸命於中  
或有改敷淨座或取佛衣或取佛鉢或有供  
水或有洗足俱白佛言唯願就座

佛便作念如是癡人自立制約須臾還破時  
佛就座安詳而坐威光竒特如妙高山是時

五人雖復恭敬而猶呼佛爲具壽或復稱佛  
爲喬荅摩佛即告言汝等勿呼如來爲具壽  
亦勿稱觸姓名若故尔者當於長夜獲無義  
利受諸劇苦所以者何如來已證無上菩提  
安隱涅槃度生老病死覺一切法性救護一  
切爲三界尊成就無邊功德法故時五人言  
具壽猶是昔喬荅摩身形所作不異往日懈  
慢多求狂亂失志捨於苦行受好飲食以油  
塗身皮膚充悅雖知具壽自稱證得無上菩  
提安隱涅槃誰當相信而不許我稱觸名姓  
世尊告曰汝今觀我面貌威光諸根容止豈  
與昔日同耶五人荅言我觀具壽實異於昔

佛言我若不證法者豈得如是汝應以此證  
知我得無上菩提何故猶於如來而生不信  
世尊於是漸漸化誘令其調伏於日初分爲  
二人說法教誡教授令餘三人入村乞食彼  
所乞食充足六人於日後分爲三人說法教  
誡教授令餘二人入村乞食所乞飲食充足  
五人世尊性離非時食故如是教化經於三  
月有說四月令彼五人善根熟已於迦栗底  
迦月白半八日如來爲彼轉正法輪時憍陣  
那最初見法佛便三問汝已解耶此意問言  
汝今觀我是懈慢多求狂亂失志不證無上  
菩提涅槃而誑汝耶故三問解不彼還三反

1.  
荅言已解此意荅言我今觀佛實非懈慢多  
求亦非狂亂矢志又實證得菩提涅槃而非  
誑我我今爲佛證人故三荅已解是故爲止  
誹謗佛三問之有說爲顯本願滿足是以三  
問其事云何曾聞過去此賢劫中有王名羯  
利時有仙人号爲忍辱住一林中勤修苦行  
時羯利王除去男子與內宮眷屬作諸伎樂  
遊戲林間縱意娛樂經久疲厭而便睡眠內  
宮諸女爲華果故遊諸林間遙見仙人於自  
所止端身靜思便馳趣之皆集其所到已頂  
禮圍繞而坐仙人即爲說欲之過所謂諸欲  
皆是不淨臭穢之法是可訶責是可厭患誰

有智者當習近之諸姊皆應生厭捨離王從  
睡覺不見諸女便作是念將無有人誘奪去  
耶即拔利劍處處求覓乃見諸女在仙人邊  
圍繞而坐生大瞋恚是何大鬼誘我諸女即  
前問之汝是誰耶

荅言我是仙人復問在此作何事耶荅言修  
忍辱道王作是念此人見我瞋故便言我修  
忍辱我今試之即復問言汝得非想非非想  
處定耶荅言不得次第責問乃至汝得初靜  
慮耶荅言不得王倍瞋念語言汝是未離欲  
人云何恣情觀我諸女復言我是修忍辱人  
可伸一臂試能忍不尔時仙人便伸一臂王

以利劒斬之如斷藕根墮於地上王復責問  
汝是何人荅言我是修忍辱人時王復令伸  
餘一臂即復斬之如前責問仙人亦如前荅  
我是修忍辱人如是次斬兩足復截兩耳又  
割其鼻一一責問荅皆如前令仙人身七分  
墮地作七瘡已王心便止仙人告言王今何  
故自生疲厭假使斷我一切身分猶如芥子  
乃至微塵我亦不生一念瞋忿所言忍辱終  
無有二復發是願如汝今日我實無辜而斷  
我身今成七分作七瘡孔我未來世得阿耨  
多羅三藐三菩提時以大悲心不待汝請最  
初令汝修七種道斷七隨眠當知今時忍辱

仙人者即今世尊釋迦牟尼是羯利王者即  
今具壽憍陣那是是故憍陣那見聖諦已佛  
以神力除彼闇障令其憶念過去世事彼便  
自見爲羯利王佛爲仙人自以利劍斷佛七  
支作七瘡孔佛不瞋恨反以誓願欲饒益之  
故佛世尊三問解不此意問言我豈違背昔  
願豈不如本誓願已酬滿耶時憍陣那極懷  
耻愧合掌恭敬亦三荅已解此意荅言實知  
出尊不違昔願如本誓願皆已酬滿我本愚  
癡作斯極惡唯願哀愍赦我重罪是故爲滿  
本願佛三問之有說世尊顯已說法有善巧  
力故三問之謂此意言我於三無數劫修無

量百千難行苦行所證得法由巧說故令彼  
須臾即得悟解是故三問有說世尊今餘四  
人間生勇勵速入見道故三問之有說世尊  
欲顯善說法中師及弟子於所證法審諦真  
實離增上慢不同外道於未得法起增上慢  
謂爲已得是以三問

問佛初轉法輪時有八萬諸天亦同見法何  
故但說爲憍陣那等五人轉法輪耶

答此中但說正所爲者諸天因五人故得聞  
非正所爲是以不說有說人先見法故偏說  
之有說人見現見天非現見有說佛與人趣  
身相威儀所作悉同天則不亦說若於是

處名爲法滅即於是處名轉法輪謂雖天中  
 有證甘露若人中無便名法滅是故但說爲  
 人轉法輪有說人中佛弟子有四衆差別天  
 中不介有說佛轉法輪以人爲證不以天證  
 有說人中有能轉者及所爲者是以說之天  
 中唯有所爲無能轉者是故不說有說人中  
 能得種種殊勝功德天中不介是故但說爲  
 人轉法輪

說一切有部發智大毗婆沙論卷第一百八十二

動

刺拏

上郎達反  
下尼加反

怨敵

上音寃下  
徒的及

循環

上音旬  
下音還

輻轂

二字音  
福谷

輞

音阿若

下汝反

疵斯

上尼反

盟盍

上烏骨反  
下銚字

炤

照字

臘縛

上郎反

粟多

上良反

劬勞

上音

衝  
率堵

上音蘇  
沒反

乳糜

下音密

俱眩

下音珍

曷邏

下郎反

頰

於葛反

鹿苑

下紆反

喬荅

上音巨

誘

音酉

迹跡

二同

評訖

二音信

逼

彼力反

劇苦

上音奇

皮膚

下音敷

睡覺

下音教

藕

音偶

勇勵

下音厲



